


## Isertitat 2014-imi annikitsuinnarmik qaffariaate-qarput

2014-imi nunatsinni najugaqavissut 14-inileereersimasut agguaqatigiissillugu 218.000 koruuninik isertitaqarsimapput, ukiumut siulianut sanilliullugu 0,5 pct.-inik annertuseriarneruvoq. Ukiut ingerlanerini, 2002-miit 2014-imut, qaffariaat appasinnerpaajuvoq.

Isertitat qaffannerat akit qaffannerinut sanilliukkaani assigaa isertitat pisissutaasinnasut 0,9 pct.-imik appariarnerat, tamatumalu kinguneraa innuttaasut 2014-imi niiversinnaassusaasa annikitsumik appariarnera.

### Titartagaq 1. 2002-miit 2014-imut isertitat pisissutaasinnasut ineriartornerata naleqqersornera



Malugiuk.: Isertitat naleqqersornerat naatsorsugaavoq isertitat ataatsimut agguaqatigiissillugu naatsorsornerisa ineriartornerat malillugu.

Tabeli 1-mi saqqummiunneqartutut, suli suaassutsimi isertitatigut annertuumik nikingasoqarpoq. Angutit agguaqatigiissillugu 60.000 koruuninik qaffasinnersumik isertitaqarput – tamanna arnat isertitaanit pingajorarterummik qaffasinneruvoq. Tabelip takutippaattaq, kommunit akunneranni isertitatigut annertuumik nikingasoqartoq. Kommuneqarfik Sermersooq isertitaqarfiunerpaavoq, isertitallu appasinnerpaat Kommune Kujallermi Qaasuitsullu Kommuniani isertitaasarlutik.

**Tabel 1. Isertitat tamarmiusut agguaqatigiissillugit suaassutimut kommuninullu immikkoortillugit (1.000 kr.)**

	2012		2013		2014	
	Angutit	Arnat	Angutit	Arnat	Angutit	Arnat
<b>Nuna tamakkerlugu</b> .....	<b>243</b>	<b>180</b>	<b>245</b>	<b>186</b>	<b>247</b>	<b>187</b>
Kommune Kujalleq .....	187	157	191	163	187	164
Kommuneqarfik Sermersooq .....	299	215	304	221	299	220
Qeqqata Kommuniarfik .....	241	168	238	176	246	179
Qaasuitsup Kommuniarfik .....	194	151	195	155	201	158

Najoqqutaq: <http://bank.stat.gl/INNP1>

Naatsorsukkat takutinneqartut ”Indkomster 2014”-imi saqqummersitamit ilaannakuusumik tigusaapput, saqqummiussat Naatsorsueqqissaartarfiup maanna tamanut saqqummiussaani. Inummut isertitat saniatigut saqqummersitami saqqummiunneqarput inoqutigiit isertitaat, isertitanut akileraarutit isertitalu agguarsimanerannut naatsorsukkat.

Saqqummersitaq pdf-filitut Naatsorsueqqissaartarfiup nittartagaatigut [www.stat.gl](http://www.stat.gl) iserfigalugu atuarneqarsinnaavoq aaneqarsinnaallunilu. Taamatullu Naatsorsueqqissaartarfiup Kisitsisaataasivia [bank.stat.gl](http://bank.stat.gl) iserfigalugu isertitat pillugit kisitsisit tabelinngorlugit peqqissaartumik suliaasut toqqarlugit aaneqarsinnaallutik.

Paasissutissanik suli kissaateqartoqassaguni Naatsorsueqqissaartarfiup pisortaa Anders Blaabjerg oqarasuaatikkut 34 57 81 saaffigineqarsinnaavoq imaluunniit Naatsorsueqqissaarnermi siunnersorti Søren W. Børgesen e-mailkut [swbo@stat.gl](mailto:swbo@stat.gl) saaffigalugu.